

治腫指南

全

武
50



治腫指南目錄卷之一

背腫圖

長腫形圖鍼破法

圓腫形圖鍼破法

陰腫圖

鼓脹圖

腰痛圖

哮喘圖

食傷圖

項筋不仁圖

咳嗽圖

背寒圖

疝氣痛圖

狐疝痛圖

哮喘氣逆圖

腹部下鉗圖

圖形二十八

蘇氏開萬冊府之記

已膿腫形圖鍼破法

腫中陷裏形圖

內腫圖

項髮際腫圖

胸腹痛圖

浮腫圖

疔腫圖

上氣證圖

耳痛圖

淋疾圖

膝臏腫圖

腰背偃僂圖

面腫圖

脚氣圖

臂肘曲急圖



養安院藏書

眼胞八穴圖

眼臉胞虛腫圖

背膂刺鍼圖

治腫指南卷之二

證治九十五

治法綱要九

用藥法十七

背腫

內腫

陰腫

項腫

鼓脹

浮腫

胸腹痛

腰痛

脇痛

食傷

上氣

咳嗽

哮喘

耳痛

疔腫

淋疾

癩疔

疥疔

諸疔

外腎腫

項筋不仁

腰背偃僂

面腫

眼疾

唇腫

喉腫

重舌

雙蛾

脚氣

懸癰

偏頭痛

肩臂酸痛

齒痛

頭痛

齒齲

髀脛酸痛

腎腫

附骨疽

丹毒

乳腫

瘰癧

癭氣

瘤癧

痰核

頭瘡

偷針

漏瘡

肉毒

濕腫

腋腫

鼠瘻

縷疔

便毒

眈目

痔疾

面瘡 附口舌瘡

偏身瘡

丁瘡

耳瘡

鼻瘻

月蝕

濕瘡

癬瘡

手掌瘡

舌緩涎出

轉筋

臂痛

手腫

膝脛腫

中暑

腹中冷塊

走注風

落傷

四肢不仁

中風治熱法

角弓反張

半身不遂

牙關緊急

啞不能言

吐血

瘟疫

白癩

諸癩

瘡疾

癩癩

癩狂

邪熱

臍瘡

燥證

傷寒發熱 附諸熱

杖瘡

火瘡

竹木刺傷

治癰痕

指別瘡

背寒

治腫北南

北背腫圖



發背腫痛時針
破如十字形又
毒氣發處斷
刺一二處針鋒
向逆毒發處刺
之

若初不用針業而自至於內外俱膿痛勢自歇則治之如運掌之
易也然患人多死於成膿之時而不死於已膿之後故世之治腫


者不治其發初而好治其膿後者不能理會而心得也欲膿未膿之間十中之得生僅有一二焉則豈不汲汲然治其初乎况魚火炎上心神鬱熱發為疽腫則何可待其膿而見其死哉且心繫於五六頤內則去皮上繞一寸耳毒氣之易入于心者莫如此證也所受五臟煩滿則雖有針藥之具末如之何也宜謹其始而推其利害治其初而絕其毒氣則患人皆得活矣

長腫形圖鍼破法

圓腫形針破圖



腫中針破如十字形又上下腫頭一二處針刺鋒向腫中



毒氣煖發

用鍼決破之時定其四方審其深淺先破其乾而至于巽次破其艮而至于坤則針之兩道如十字形皆斜直而惡血易流或次破時


自艮而至于中又有坤而至于中相對連裂則針鋒易利患者亦不甚痛針入五分若操針之際敬慎毋忽則患人不傷而效必速矣但內膿外硬腫毒成根痛之不堪食之不下則逐日針刺四邊出血斷根則漸得其永瘥矣

已膿腫形圖鍼破法

腫中陷裏形圖



毒氣嫩發



腫頭當針一處針鋒向上使闊針孔膿汁滑出後絕搥搥孔若膿汁濁則附丹知亦佳

四畔高起中央陷針從四畔向入中央而深刺絕其根

內腫圖



假如內腫外丘繞臍發痛成膿則臍傍相去四五分許針入二三
分針鋒向上不致穿膜出膿汁止後紙擦搦其針孔移時還拔微
壓取出膿汁或觀勢丹知可傳方傳又臍上下傍切不可針之

陰腫圖



發膝上內側股陰肌骨之間腫痛膿形毛髮逆豎皮膚甲錯膜理
及陷若初發痛針之亦佳重則刺三處上刺時針鋒直斜下向臑
頭又中刺時當中直刺至骨針鋒向上似橫又下刺時針鋒直斜

向上股間而皆深刺至膿處○輕則只當中一穴針入至骨並附丹知二三度若膿汁滑流則否或未膿處針後附丹知四五度乃拔毒氣即愈


項髮際腫圖



腦下項上髮際中發腫痛時重則以針皮膚間如十字形斜入腫根貫刺又針毒氣發走處斜刺鋒向毒氣起去而逆入斷刺鹽湯

長流注洗輕則當腫根橫貫只一處亦佳大抵頭腦皮膚淺薄九針皆斜于皮膚間先以左手執髮舉起橫針淺刺皮膚底若腫丘處皮間深斜尤佳

鼓脹圖



蔽骨下當中一穴針鋒直斜刺向上又兩傍二穴針鋒斜刺橫向蔽骨又臍傍左右二穴針鋒直上向肋又臍下當中一穴針鋒直刺四五分又兩傍二穴針鋒斜刺橫向脇外間皆針二寸許並用同身寸

蔽骨下三寸或四寸或二寸許阿市穴中臍點一穴又兩傍相去各二寸或二寸半許點一穴並橫行三穴又臍兩傍相去各二寸或二寸半許點一穴又臍下一寸半或三寸或二寸許關九

點一穴又兩傍相去各二寸或二寸半許點一穴並橫行三穴
 是八穴針刺附丹知三四度後蛇莓湯沐浴

腦腹痛圖



心腹痛蔽骨下二寸或三寸許點一穴又傍一邊冷氣方發刺偏
 並刺相去各二寸或一寸半許又肋下一寸點一穴並二穴當中一
 穴針鋒向上傍一穴針鋒向蔽骨而橫刺並針入一寸同身或七
 八分附丹知三四度○腦痛則膺中華蓋穴間兩傍相去各二寸

許點穴阿市橫刺針鋒向天突穴隨肋骨皮膚間針入三四分淺
 刺附丹知二三度

腰痛圖



腎腧間脊骨兩傍相去各二寸或三寸許當酸痛阿市穴
 或四處直刺針鋒向似上針入七八分附丹知三四度大抵背腧
 腰上肉薄針入四五分腰下肉厚針入一寸或七八分皆直刺或
 觀勢斜刺向上亦佳皆用寸

浮腫圖



蔽骨下三寸四寸或二寸半許脚上腕點一穴又兩傍相去各二寸或二寸半許點一穴並橫行三穴又臍兩傍相去各二寸或二

寸半許點一穴又臍下一寸半或二寸或三寸許點以穴又兩傍相去各二寸或二寸半許點一穴並橫行二穴當中一穴除而不針都是七穴皆阿針刺附丹知三四度或兩膝脛下浮腫則亦針一二處蛇毒湯或鹽湯中浸浴亦佳○蔽骨下當中一穴針鋒直斜刺向上又兩傍二穴針鋒斜刺橫向蔽骨又臍兩傍二穴針鋒直上向肋又臍下一穴傍左右一穴針鋒斜刺橫向脇外間皆針入一寸或七八分許並用同身寸又膝下針鋒皆向上刺入三四分

哮喘圖



哮喘圖

痰喘氣逆胸滿脾肺胃膈等穴針之附丹知詳觀又天突下一寸許點穴針刺三分又蓋穴紫宮穴許兩傍相去各二寸或一寸五分各二穴針刺三四分隨肋骨間斜入向天突並三處附丹知二三度若背寒喘急則膏肓肺膈先針後灸最妙圖見咳

疔瘡圖



假如手指頭發丁毒漸腫痛甚而毒氣煽發上走時先針指頭爪甲如韭葉許腫處兩側裂破針鋒向外又本節指間及臂肘間膈上四五處徑刺針鋒皆向手指而氣走處逆斷即浸鹽湯若頭頂及脛脚間發煽丁毒則如是治法最佳

食傷圖



脾胃虛弱食不下或胸煩痛悶者敲骨下二寸或二寸半許定中

穴又兩傍相去各二寸或一寸半並橫行三穴阿市針刺中穴鋒
 向直上針入五六分左右穴針之向斜蔽骨刺入七八分並附丹
 知三四度若胸痛煩悶亦不下食則紫宮穴兩傍相去各二寸或
 一寸半針入三四分斜刺向天突穴亦附丹知二三度必效

上氣證圖



上氣胸滿煩悶者天突下五分許以手執皮舉起皮膚間針入三

分鋒向上後還放其皮又天突下二寸或三寸許定點兩傍相去
 各二寸或一寸半許針入四五分從皮膚骨間斜刺向天突並三
 處阿市皆附丹知二三度又蔽骨下二三寸許點中穴又兩傍相
 去各二寸或一寸半許點二穴向上肋骨間並三穴阿市中穴針入六七分鋒向直上
 左右穴針入七八分鋒向入蔽骨並附丹知三四度若不瘳經二日更針如前法得效用同身寸

項筋不仁圖



項筋急引不得回顧而強直則項顛骨及大顛兩傍相去各一寸

或五六分許以手摩擦推詰當筋急曲結處筋曲如結繩之狀貫刺解伸貫刺向上針入三四分丹知或者煮竹筒量附必效○應眼兩穴及委中穴等處不以此證說也為圖作點者欲使易知應眼穴專主眼病先針頤刺上後灸三七壯止見科穴在脊骨兩傍相去各一寸五分髀樞骨上宛宛陷中是也又委中穴專治腫毒氣注走及膝曲筋急則當經中刺之時胛中紋上一寸許以繩縛定血脉起浮中刺斜向上若經中貫刺則穴在足胛中央兩筋間約文中動脈應手針入八分

耳痛圖



耳痛及鳴聲或聾則耳前聽宮穴間耳後青絡脉側耳尖上對髮際中曲鬢穴間並三處針之一二分鋒向直上或耳中膿潰出汁則耳下頰車中並四處亦針三分鋒向面頰橫刺若不効間日更針如前法必瘥

咳嗽圖



咳嗽先針脾腧穴在第十一頰下兩傍相去各一寸五分胃腧穴

在第十二頤下兩傍相去各一寸五分並四穴直刺鋒似向上針入三四分後附丹知三四度○哮喘肺膈在第三頤下兩傍相去各一寸五分膏肓膈在第四頤下兩傍相去各三寸並四穴先針直刺鋒向似上針入三四分後灸三七壯止或附丹知四五度亦佳觀勢施治

淋疾圖



小腹冷疼或緊急小便淋瀝或急引而外腎囊根膈下三寸或四寸許定一穴又兩傍相去各二寸或二寸半許點穴並三度以手

按摩最急疼處尤佳皆阿市穴針刺中穴似直向上針入三四分左右穴針鋒向臍中斜刺五六分並附丹知三四度必効

背寒圖



假令背膈肩胛間寒急如冰則膏肓肺俞間當寒急處阿市以手

摩擦酸疼中以針直刺五分或斜刺向大頷骨而左右二三處
 之附丹知三四度或背項急引冷疼則亦針項筋間左右後附丹
 知二三度再次針之必效

膝臏腫圖



假令膝臏間發腫不得屈伸痛煩則膝上一寸許腫界二處斜入
 向膝頭深橫刺附丹知二三度又膝眼二穴以手指摩按臏骨下
 兩傍間似有隙孔是穴以針直刺二三分過刺及傷後煮竹筒三

四度或只針後附若腫膝股內者勢針刺一二處亦佳即委中

疝氣痛圖



疝氣發逆小腹急痛臍下三四寸許點中穴直刺四分又兩傍相
 去各二寸許疝也斜刺鋒向入臍針入五六分或心腹間氣衝煩
 悶不可忍者殺骨下二寸或三寸許定中穴又兩傍相去各二寸或
 一寸半許並三穴疝也中穴針入六七分鋒向直上左右穴針入

七八分鋒向入巖骨並附丹知三四度即効

腰背偻圖



脊骨曲急不能伸立當脊骨曲急處計上下相去一二寸許頤骨間三穴以針直刺一分或半分後煮竹筒附四五度引毒氣又當脊骨曲急兩傍相去各五六分或一寸許上下三處筋急結蓄當

中貫刺附丹知三四度針入七八分或一寸直刺向上若項頤間筋曲引急則項頤骨兩傍筋結中亦貫刺向上又大頤骨下間曲急處亦刺一分或半分並附煮竹筒或針後蛇莓湯沐浴亦佳

孤疝痛圖



小腹際下曲骨毛際上間塊如芥形之狀長二三寸橫發或塊上頭入腹際間時作痛以手堅執塊形以針從塊下頭貫刺向上再度針之必愈

面腫圖



假如一偏腮頰腫痛漸煽毒氣發走于耳上即刺曲髮穴間耳下則刺斷頰車穴移走彼偏于兩眼間睛明執皮舉起貫刺又唇上刺人中唇下刺承漿穴或眉上則刺大陽穴間又胸膺間下走蔓發當毒蓄處徑針附丹知二三度針鋒皆向毒氣發走處逆刺又尺澤肘上一寸許以細繩縛之則經血起高若堅而縛則血不出而結者亦不出

咳喘氣逆圖



頃其適縛則快出但定其酌量出血多中絡當中直刺似斜出血深少之期而適出即放解結繩止血止而結者亦不出而只破血經中不須貫經後當面腫處鹽湯注流不弛

咳喘食不下或上氣或氣脹支滿胸膈鬱悶則胸膺七穴皆灸三七壯及蔽骨下四穴亦鍼後附丹知三四度○膺膈天突穴下各一寸次次點五穴當第三穴兩傍相去各二寸許點一穴並灸市穴又蔽骨下三寸或四五寸許上下二穴當中兩傍相去各二寸許點一穴皆針入一寸或七八分鋒向上斜刺

脚氣圖



小腹際下股間橫紋中隱有瘦塊時時動作發痛毒氣下走于膝
脛脚腕之間腫痛不可忍者其瘦動痛時以針當其塊中貫刺斷
根以艾炷灸於針孔灸五壯使出而腐破瘦根則永絕此患
矣

腹部下鍼圖



當在背
胸膈上

初以墨點其定穴後操針時右手大姆指下次指上覆挾堅持敬
慎毋忽而先瀆左手大姆指腹皮上點穴處重按向裏次即無名


指長均輕按又左手次指下大拇指上兩間觸入針鋒廣以直刺似上斜又針之徐緩而刺出不須輕速針了附丹知勿令火傷且令人先坐當胸前次偃卧應人而不動然後方可針最佳

臂肘曲急圖



假如臂肘曲急不得張伸則以手摩擦肘傍內外筋急結聚處又以大拇指當筋結中重按不動以針割刺又按肘內上下連筋二三處筋中結壅貫刺或手腕筋急結壅處亦刺並附煮竹筒三四度或肘紋中結經處當尺澤亦刺必效或膝曲筋急處亦如上法針刺後附丹知或竹筒附之必愈

眼胞八穴圖



白屬肺氣之精氣輪
黑屬肝筋之精風輪
上下臉屬脾胃肉之精
大小眇屬心血之精血
瞳仁屬腎骨之精
水輪

眼臉胞虛腫圖




上臉胞浮清腫
眼垂閉不得開
視以手臉上皮
執舉貫橫刺又
起針刺一分鋒
向上鹽湯浸洗

眼胞八穴兩眼上下兩傍各四穴並八穴是也用針時敬謹刺之以手臉胞睫毛間執舉反起則其眼絃內有隙紋間正穴兩傍二

處當隙中針刺入一分或半分下針速出勿令化精若上脘刺時針鋒向上
下脘則鋒向下刺即浸去滓鹽湯良久必效

背膂刺鍼圖



先以患者床上伏蹲然後先須左手大拇指端定穴處重按使陷

肉又右手次指大拇指間執操立針又左手大拇指甲爪端按直
刺向上而針之出入際徐緩引氣毒血後附丹知但腹部無筋而
針鋒廣以刺之背膂膚骨淺薄亦締經筋針鋒立以刺之則無害
凡腹背針之恐其誤刺及傷而此法不可不從故二辭附書于後

治腫指南卷之二

背腫

初發時傅土卯膏經二三日不消漸發而蔓正發走先刺當發走

二三處即傅丹知二三度勿傷又當腫處更傅土卯膏以鹽湯水

塗潤膏上又刺其偏天澤絡必消五六日成腫大如梨則以針決

破如十字形先定腫毒深淺高低血止後傅丹知三四度後浸鹽

湯水二鉢鹽一合醎多則痛淡多則無效醎不計晝夜乃發毒氣

惡汁又瘡邊日日針刺若煩熱千金漏蘆湯和蟾灰末服之脾弱

煎水不宜服之當用清腫竹葉湯又月經水頻服或瘡口生真油頻

塗又黃狂陰乾肉細末納填瘡中消毒生肌必效○若瘡中腫毒

卒然低陷四畔高起亦無惡汁而不痛者乃毒氣入裏或走注胸

腹痛千金漏蘆湯和蟾灰末服之又令壯者分坐于患人兩側當

胸腹所痛處極力吹噓而氣徹腹裏則毒氣還出腫處反高亦出

惡汁然後又即針破瘡邊一二處浸鹽湯或其瘡中若有根滯以

曲針鈎引又以鋒針盡割其根膿汁幾盡黃汁繼出則豆腐切片

貼於瘡上使生肌肉又以馬堯零燒存性為末真油調傅瘡口合

瘡○或發背腫長如芥狀許痛甚勿論新久當腫腰中裂以十字形又刺腫頭上下一二處後浸鹽湯引出毒氣若出歇時以油紙多作小孔潤以真油傳于瘡上慎勿以綿掩貼瘡中使毒氣不出間日針于瘡邊亦塗真油又浸鹽湯必效○若已成膿則當腫針破一孔使潤以出膿汁舊紙作搥插針孔中經一二時還拔其搥取出膿汁若針破後膿汁凝滯不出則傳丹知盡取惡汁浸鹽湯即瘡觀其腫勢用針十字形亦可○或瘡四畔高中央陷者毒氣入內痛楚尤甚當四畔毒氣壅蓄二三處深刺鋒則橫向中傳丹知三四度後浸鹽湯若當陷中可以十字針勢則方以十字針之乃可千金漏蘆湯煎水和蟾灰末服之勿令毒氣入內又浸鹽湯必效

內腫

心臟間毒氣壅蓄成熟作痛者外無形腫色重按即痛夜劇晝歇煩渴惡寒身無熱而脈數無力先審外候傳土卵膏內則千金漏蘆湯兩服合煎服之又刺其偏尺澤絡若其腫毒下注出外髀股間及膝肘膈而腫痛不須即針先傳土卵膏必消若膿則針破最佳若未膿針破則恐其毒氣還

走入裏○若腹內成塊走注而或凝蓄作痛則以手按其當處即於皮膚間橫刺傳丹知三四度若腹皮不挺立而裏痛當痛處皮上傳土卵膏使腫毒待其拔出然後針破傳丹知又刺其偏尺澤絡必效大抵腸癰有膿自潰則便出膿汁肺癰有膿自潰則吐唾膿血是其驗也若未膿則頭痛煩渴寒熱交作腹中某偏刺痛心中恍惚臍中痛甚者腸癰右脇痛甚者肺癰也胸中甲錯隱痛或浮起噎噎者

陰腫

發於腰背及四肢股陰肌骨之間外雖平常內作刺痛色亦不變膿期不定或四十日或二十日輕者十餘日乃成膿矣若毒發痛甚則勿論已膿未膿當處刺深至骨久留得氣即寫傳丹知三四度又服千金漏蘆湯若煩渴熱甚又服月經水然若不瘳間日更針如前法亦傳丹知或腫處連經通脈者亦針洩毒若成膿則以針深刺傳丹知取出膿汁即以窻戶間舊紙作搥塗真油插于針孔或毒氣鬱發移走他處隨其所發即傳土卵膏或雞卵白汁膏必消大抵此病晝歇夜甚若不得已待膿則傳以雞卵黃汁膏必

見腫處色變皮膚甲錯毛髮亦豎腰理反陷煩熱口乾眼赤黃赤
痛似不痛或痒如虫行眉毛亦倒此乃盡膿之候以手按其當處
即針深至骨而搖針引出若膿汁凝滯不得快出則傳丹知三四
度膿汁滑出則否凡大腫膿汁雖出滑利禁不盡出恐膿汁盡出
氣亦盡必死須其針破後膿汁半出即以撚塞針孔經一二時還
按然取出膿汁亦無心死之患或針孔窄而不滑則以班鳩羽
或針使之以潤或膿汁幾盡餘毒未除黃在肉末和白芩膠作丁
挿于瘡孔去惡汁生新肉効必速矣

項髮際腫

初發腫痛先傳土卵膏即針百會尺澤結耳前髮際及耳後髮際
青絡脉隨其所發施針必効若膿則針破取出惡汁其毒氣走注
處亦針破觀勢傳土卵膏飲毒又以撚搥挿于針孔移時還按更
壓取膿汁鹽湯浸漬或頭腦項髮際發腫毒氣連頸發腫者針其
毒脚向處後傳土卵膏○髮際發腫不問久新當腫處針深橫刺
又刺百會尺澤結鹽湯浸洗令潤不乾先削其近腫毛髮傳土卵
膏雞卵白汁若虛煩渴甚又服月經水及服千金漏蘆湯發毒處

亦針最妙○頸項腫痛上連髮際即針耳前耳後更刺當處傳土
卵膏鹽湯浸洗又當腫近處毒氣滯而堅硬則頻頻針刺解出毒
氣必効○頭腦腫下連髮際先針百會後刺髮際周回五六處或
蔓及面目眉上發腫即針睛明大陽隨毒起向處亦針更以鹽湯
洗頭或侵漬大抵頭腦皆起浮腫必難治

鼓脹

若腹皮虛腫者以針橫刺腹中八穴八穴即傳丹知各二三度後
蛇莓湯沐浴或浴時氣煩欲發熱及頭眩者即針百會甚者風池
上星耳前髮際又浴時錄豆粥及米飲待冷頻服亦佳若沐浴後
腹中尤煩脹滿似有浮氣或如腹裏氣走疼痛者更刺前針處洩
氣後又浴之或氣沉困四體重著日漸億弱者間日浴之重者止
浴隨證服藥施治又或初診候下針後沐浴而氣平畧似得効慎
勿更針連日浴之以待得効若終免病候則止浴調理間服調氣
下泄之藥以補脾胃必効

浮腫

初發時若頭腦及面目有浮氣者即針百會及耳前髮際尺澤絡

若手臂及脛脚微浮腫者即以當腫針刺三四處後蛇蟻湯或鹽湯中浸漬日洗若腦髮際有浮者隨其發勢亦針以鹽湯浸洗○若滿身浮腫雖針刺而出黃水則難治或腹浮則以鼓脹之法治之必効或胸腹之間起浮氣日漸下走脛膝脚腕處而腫則足附上大衝針刺乃洩浮氣又以鹽湯浸洗其浮氣下走時隨病勢亦針委中足三里絕骨陰陵泉風市等穴最佳○或以水腫下部陰莖及腎囊皆腫形如裹囊則當囊中直絲間以手推卵入內執外皮針刺三分乃出清水立効腹中七穴詳見

腎腹痛

當痛處先以手大姆指重按腹皮推之使向裏即以針從大姆指上次指下兩間直刺鋒則畧向上入七八分又下針穴兩傍相去各二寸許各一穴亦如上法後傳丹知三四度或當腫處一二穴針之亦佳○若腹中冷氣積聚成塊刺痛治亦上法同○若胸痛煩悶先以蓋蓋紫宮點定計兩傍相去各二寸或一寸半許當大肋骨間針入三四分鋒則似向天突橫刺必効傳丹知亦佳

腰痛

若腰背酸痛當痛一二處直刺傳丹知三四度或脊骨兩傍間以手按摩有痛即針是阿市穴也肉有高低如田畦之狀當陷低中乃刺大抵腰已上皮膚薄直刺五分腰已下肉厚深刺八分

脇痛

當痛處以手重按腹皮橫刺傳丹知或走注發痛亦當一二處向背橫刺傳丹知三四度必効

食傷

若食傷脾胃者蔽骨下二寸或二寸半量點一穴從兩傍相去各二寸許各一穴並三穴即阿市穴也橫刺三四分傳丹知三四度詳見○若胸脇肋腹中當痛處亦如前法刺之傳丹知

上氣

若胸膈脹鬱積氣煩悶者蔽骨下二寸量點一穴從兩傍相去各二寸許各一穴即阿市穴也橫刺傳丹知三四度○若氣鬱脹痛者華蓋穴兩傍相去各二寸許亦針之鋒則似向天突橫刺傳丹知三四度詳見若極熱者亦針耳前髮際百會上星風池甚則舌下兩傍針之觀病勢施針必効

咳嗽

脾俞胃俞等穴針入三四分直刺向上傳丹知三四度又灸天突穴十五壯詳見

哮喘

肺俞膏肓俞等穴並入五六分橫刺傳丹知又膏膺蓋兩傍相去各二寸及天突下一寸並三穴亦橫刺傳丹知詳見

耳痛

耳聾及耳痛者耳尖上當髮際中及耳前聽宮傍耳後青絡脈並三虎針入二三分鋒則向上若耳中膿汁出者耳下一穴並四穴針入三分鋒則向前頰若針之二三度不效則用白朮灸至二七壯止若病人氣弱至七壯止氣盛者灸至十餘日若三四日有效則止白朮熱則旋旋改插灸法在下

疔腫

手足指端發癰色見青黑毒氣漸腫即以針當腫處兩傍爪甲下刺破引出毒氣若其毒漸發上走臂肘者當所痛本節間及毒發上走處經刺斷毒又刺尺澤鹽湯浸洗若毒氣入裏心煩則千金

漏蘆湯和蟾灰末頻服或經一日餘毒未消更針亦佳又有頭腦

面上發痛者即針百會風池上及尺澤耳前髮際又頭頂當痛處亦針若甚者頭痛不省人事亦針神聰四穴及上星穴亦佳○疔腫非徒四肢而頭面亦發隨其所發施針且頭腦及手指皆為針後益湯浸洗○四肢發疔毒氣上走當發處先取生黑狗皮乘熱覆裹乃發毒氣若狗皮腐破頻頻易之土卵膏亦佳又間日針之毒氣拔消○又當發指端針破又毒起處傳土卵膏立消詳見

淋疾

兩足大指次指下中節橫文灸十五壯又長強穴灸二七壯至三七壯止○臍下三寸或四寸量點一穴從兩傍相去各二寸或三寸許按之急痛處即阿市穴也並三穴當中穴直刺五分兩傍各一穴橫刺五六分或七分鋒向臍中並傳丹知三四度必效詳見

癩疔

若腎囊一偏腫痛垂下則其偏足大指次指下中節橫文當中灸十五壯若左右兩囊俱腫者兩足次指下橫文亦如前法並灸十五壯若兩囊狀如裹囊清而浮腫光明者當囊中直絲間刺入三

分又於囊皮左右兩傍先以手推卵入裏乃刺之取出黃水立消
若堅硬則不宜遽針當待膿針破即愈若自膿自潰變成漏瘡決
不可治

孤疝

腎莖上毛際中發動或下橫腎莖傍上至小腹通脹長二三寸許
作痛不可忍常時不現不痛有時發動者是也先以手按取當塊
中刺破初出白汁清水繼出如白膿痢狀是其驗也鹽湯浸洗或
足次指橫文中灸至十五壯立消亦於當痛處灸之必効

諸疝

急痛時隨其左右足大指次指下橫文中灸七壯至十五壯止或
兩足次指並灸亦佳若臍下刺痛不可忍者當臍下橫三穴針刺
傳丹知三四度或上衝痛者亦針蔽骨下三穴傳丹知三壯並灸若
卒疝則足大指次指下橫紋中灸五壯或足兩指並灸亦佳若小
腹急痛小腸氣外腎腫疝氣及諸氣痛心痛皆佳

外腎腫

腎囊清腫如水貯之狀則當囊中直絲間刺之先以手推卵入裏

刺了出黃水與血水則立消慎勿犯卵若犯則死然本發癩疝而
堅硬色不光明者難治或邊腫則刺一偏兩偏腫則當兩傍刺又
當囊縫近下亦刺若囊縫自膿自潰則死若腎莖頭發腫則陰頭
兩傍皮中針刺以鹽湯或蛇莓湯待溫浸漬必愈○陰莖皮清而
浮腫則當清腫一二處針出水必消又小腹腫癩疝水腫並同

項筋不仁

頸項強急不得回顧者當筋急處割貫而刺傳丹知若有熱則不
傳丹知而只針或百會耳前髮際風池上等穴觀病候隨宜針之
又下針時血絡先以手推而避之當筋中貫刺慎勿犯血絡○背
胛腰脊強急不能屈伸當筋急二三處針之傳丹知三四度若項
筋不仁者項皮以手執舉直刺三四分若大椎近如前者不舉而
直刺五分傳丹知必愈

腰背偻僂

若曲骨脊急則先取脊節曲骨計上下相去各五六分或一寸或
一寸半等處以針當筋急處貫刺傳者竹筒又兩傍二三處觀候
亦貫刺雖脊骨相去二三寸許有筋急曲僂則當筋急中貫刺二

三處後傳丹知鹽湯浸洗累日最佳甚者風池風府肺俞亦灸○
若曲骨脊急引項筋亦急不得回顧則當脊曲骨兩傍相去各五
六分許及筋急左右各三處直刺五六分又風池下兩傍及大椎
下亦直刺又九尾下兩傍橫刺後傳丹知或竹筒又以蛇毒湯沐
浴必愈

面腫

初發成腫先針百會又澤紉耳前髮際次針當腫皮上泡起處取
出黃水又當腫處觀勢針破通中深涉以片帛纏杖頭作旗箒蘸
鹽湯塗灌不絕常令潤濕易消若腫勢不毒不移染則不針刺只
用鹽湯浸漬亦消若面腫浮則先針其邊尺澤及耳前髮際亦針
當處鹽湯浸漬若毒氣聚為成腫則當中針後傳土卯膏若腫勢
向歇則更不須當處針之若連耳項及耳後腫痛則針百會尺澤
耳前髮際若毒氣移走彼偏則睛明貫刺或起發處經斷刺出毒
○面腫微浮其偏大陽穴刺之或腮頰腫痛先審口內若頰有腫
起處先刺破毒則雖不外針可差若一邊腫即針其邊耳下頰車
鋒則向耳後又刺其偏耳前髮際及尺澤○若甚者發走兩眼間

則睛明貫刺若發走眉上則當眉上刺若發走眼胞則當眼胞上
刺若發走額角則當額角刺若發走唇上則當唇吻上刺若發走
耳後則當風池上刺若發走頤上則當頤上刺若發走項中漸至
胸膈則當胸膈上刺是皆不使發毒也壅腫勢隨發起處經刺更
以鹽湯晝夜長漬不絕常令潤濕毒氣漸消○面腫大發連頭腦
遍腫不能言語則即百會耳前髮際風池上及舌下兩傍亦針尺
澤若腫勢危重則當腫處針破以土卯膏頻頻易傳前傳痕以鹽
湯淨洗後傳新膏淨洗如前○面腫處鹽湯灌注時先以油紙遮
其衣領自額上灌注又服普濟消毒飲子千金漏蘆湯亦佳若氣
煩心悶則毒入內藏故也右藥煎水和蟾灰末服以托其裏○若
面腫連頸項發腫則不須當處刺而先以外候發毒走向處刺之
傳丹知引氣抽毒最佳若頭腦及面部毒熱上攻則百會及當處
額角等穴刺之佳○若面部及頭腦中為物撲打皮膚間瘀血留
滯或年久時時刺痛或侵眼或頭痛則當瘀血壅蓄作痛處針破
九一切腫處皆如此法隨證施針

眼疾

赤爛澁痛熱而淚下不開則眼胞上下各兩傍針之或大陽或百
會等穴針後當眼睛鹽湯浸漬或尺澤上星額角風池上亦針若
不愈則更針眼胞三四度立効○若風熱忽腫臉浮不得開眼則
以手執舉眼皮即針當眼胞上下四穴或針大陽睛明百會後鹽
湯浸洗亦若翳覆瞳子侵痛不明或如隔紗布則亦針眼胞睛明
瞳子膠攢竹等穴甚佳若一邊目有疾則只針其邊穴治之若其
毒移染不病之眼則睛明貫刺先以手執舉兩眥間皮乃刺之若
飛絲傷侵眼淚痛甚則眼胞睛明針之或應眼兩傍神庭百會臨
泣風池灸之亦佳凡眼疾觀熟若風冷有傷氣血之類則當灸已
上諸穴亦佳若雀目者當針兩眼上下胞兩傍及睛明百會大陽
又灸則應眼兩傍先針後灸若青盲者百會眼胞睛明針之及針
瞳子膠若不愈百會神庭泣灸之應眼先針後灸已上諸穴皆
灸後針眼胞睛明乃佳若胬肉侵睛突出眼外先以曲針掛引胬
肉即以鋒針割取然其胬肉日久則或漸還生刺其胞內根發處
并刺大陽後鹽湯浸眼或胬肉以細線貫引急以針割取亦佳然
不及曲針或胬肉雖不割取而日針眼胞則亦消若胬肉四壅陸

遮黑暗則以針當胬肉上直而淺刺鋒則下向慎勿犯睛鹽湯浸
洗不愈更針胬肉自消若內眥或上下外胞發成疔瘡突起當皮
內成虫蝕處以針橫淺刺去毒血鹽湯洗了豆腐切片頻頻傳貼
或馬莖零根細末填瘡孔中亦佳若黑暗點如米粒者乃俗稱犯
地方神所致合瞳子膠睛明大陽刺之鹽湯浸眼或澁閉不開
淚出痛甚則已上等穴針後或神庭百會風池應眼灸之亦佳凡
眼疾灸法見本

唇腫

初發腫痛時先針百會尺澤絆又刺當腫處然則毒氣尤為加腫
而經夜即消若腫勢輕歇只傳土卯膏亦針百會尺澤若甚者當
腫一二處刺之凡下針時先以柁木兩箇挾其唇絃當唇縫立絲
兩傍針之鋒則廣以刺之若唇內腫者即針內邊一二處若唇外腫
者即針唇端一二處廣以直刺洩毒氣了鹽湯浸漬若臨差餘毒
猶在唇頰間則當堅硬處間日針之鹽湯逐日漱口効

喉腫

咽喉腫痛先針尺澤絡又刺百會耳前髮際及當喉乳兩傍風池

上甚佳若喉舌並腫不能開口呼吸不通不省人事者先針風池
上及百會則風池上即通喉穴也自然開口當腫處刺之又耳前髮際其偏
尺澤紕與舌下兩傍刺之若煩熱者服月經水翌日更針當腫處
亦針他邊尺澤上星額角風池上等穴則必効若毒氣甚者當腫
處針破則腫勢雖歇其毒氣必下走臂肘中而壅腫即針尺澤及
肘內外上下毒發處觀勢施針鹽湯待冷浸漬若咽喉不腫而熱
壅痛痺則只針百會耳前髮際尺澤紕鹽湯多含漱吐又雞內金
燒末和鹽吹入管子使透腫處則消若發腫已久則宜當處不針
而針即成膿矣先以外候百會風池上及其偏尺澤紕額角上星
等穴針之立効若喉腫方熱發痛時先針當處則其毒比前尤發
喉閉不通先以外候百會風池上尺澤紕耳前髮際等穴針之按
洩毒氣後當處方可亦針翌日更針必効○若喉嚨不腫而但閉
塞痛如中鯁或頤下結喉傍浮腫則當廉泉穴以手執皮橫刺以
洩毒氣後又百會耳前髮際尺澤中量宜施針鹽湯漱口必効

重舌

當腫處舌下縫中兩傍橫刺或在縫一傍只刺一傍又百會耳前

髮際尺澤等穴針後鹽湯待冷含漱乃吐頻頻易含若甚者風池
上亦針又重舌挺端一二處針之決破亦佳若有餘毒侵痛翌日
更針若針治得差後因得舌根不仁且不得語當舌下兩傍刺之
漸漸立消或間三四日更針徐徐治之鹽湯逐日漱口○舌上腫
起疼痛處針破或成膿則針後鹽湯漱口觀病勢重則百會上星
耳前髮際或尺澤風池上或耳後髮際青絡脉等穴量意隨證施
針○九重舌向差時當處若堅無害則漸漸自消若堅而不消更
針取出毒氣最佳○若不針尺澤則其毒發起因發喉腫先針當
處及刺百會耳前髮際尺澤等穴必効○九重舌及喉腫甚重頤
下頰上連外腫大當腫處兩傍橫刺泄毒土卵磨傳

雙蛾

咽喉兩傍俱發名曰雙蛾只發一傍名曰單蛾其形或如榛子或
如椽實或如豆形腫起色紅咽喉側兩偏成立痛侵以針當腫
刺破一二處鹽湯多含漱口立効若成膿則針破鹽湯亦漱若腫
甚而癩痛水粒不下則并針百會及尺澤額角耳前髮際風池上
等穴觀其病勢輕重量宜針之若狀如乳蛾發凸于咽喉之側不

熱不痛日久不膿漸漸長大妨礙嚙物或經歲不消此贅肉之類也雖用針決破亦不疼痛先以曲針掛引其肉即以鋒針割取鹽湯待冷頻頻漱吐直至差復○凡患贅肉者日久氣甚困弱之餘若用針刺則必心驚面青不省人事而且仆地須飲冷水移時即醒或面上噴冷水亦可

腳氣

膝下腫痛者先刺膝眼絕骨足跗上大穴鹽湯浸之得病之初小腹下近毛際有小結核者先動作痛下注脚膝以致腫痛須先針此核可灸五壯此絕根之意也若不腫而痛亦刺膝眼絕骨足跗上等穴後鹽湯浸之必効

懸癩墜腫

先針百會甚者又刺尺澤風池上若懸癩兩傍皆腫垂下則先針兩傍及針上星耳前髮際最佳又雉內金燒末吹入喉中即消還收若喉痺不能下食則百會尺澤耳前髮際上星風池上等穴觀病勢隨宜針之或當丘腫處亦針若項乳垂癩甚則當乳垂頭刺之煎湯漱口若項乳垂下癩痛喉閉則須細觀勢針之或可若勢

歇則當乳兩傍刺之當頭不刺甚佳又百會耳前髮際尺澤上星風池上等穴參酌施針若腫已成久者慎不針當處針則恐其成膿只以百會尺澤風池上刺佳

偏頭痛

方痛時先針百會又以手開髮視之皮膚有赤熱處即針或熱毒發向處亦經刺又針耳前髮際九頭痛針後鹽湯洗頭良久三四度速効○九頭痛針之累次鹽湯洗頭則必毛髮陳亂不得下梳以桑葉冬則桑枝或不拘多少煎水洗頭則無益氣而柔滑梳之易解○正頭痛亦同法

肩臂酸痛

若肩臂酸痛者按酸痛處深刺至骨傳丹知又刺肩髃肩井傳丹知或竹筒若肘酸者當針酸處又刺小海穴又肘上下內外按之有酸即刺深傳竹筒若肘骨酸疼累針無効則針肘骨間隙中傳竹筒亦治曲肘不伸若臂腕酸痛不能轉側當手腕前二寸許筋間有似癭處貫刺傳丹知即差

齒痛

齒痛曲池上一寸點一穴灸三壯左邊灸左右邊灸左右俱痛
灸兩臂上甚佳若牙痛連頰腫痛甚至項痛則其尺澤耳前髮際
刺之又頰內及牙齦處刺後益湯漱口又土印膏傳外頰○若齦
底無齒處腫痛牙關不開連外頰腫先針百會耳前髮際尺澤後
刺當處益湯漱口良久還吐俗名^唱若牙齒為物所撲發腫疼
痛上連頭痛先針當處及刺百會耳前髮際必效○乳兒齧齒者
發牙齦上狀如黍米色白或生肉中挺如黍大故其兒不吮乳汁
是其驗也用細針盡取白膜後石雄黃末擦之立效若妄治殺人
俗名^割或舌下喉間及齒齦內外或上下腭中發無定處須審針
治^腫腫^瘡瘡

頭痛

大痛熾熱不可忍時即針百會上星額角兩傍風池上兩穴或耳
前髮際等穴亦刺又以手開髮視之皮膚有赤熱處亦針之若不
極痛則只針百會上星或神聰四穴又大陽穴斟酌針之若頭風
眩暈則亦刺神聰四穴若白屑多眩則百會上星風池神聰等穴
針後益湯日三洗頭必效

齒齲

齒齲腫宣連頰外腫則當內齲腫處刺去惡血外頰傳土印膏或
百會及其邊耳前髮際尺澤針之益湯或山梅子根皮煎水漱口
良久還吐甚佳若連內外頰腫不得開口亦不能言則當齲腫處
針破外頰傳土印膏立效

髀脛酸痛

髀脛及髀脛有酸疼即針當處又刺膝眼兩穴傳丹知或竹筒隨
處所宜量傳若髀脛酸痛者上下按之尋其痛甚處深刺傳丹知
若足跣酸疼不能行立則當刺酸處傳丹知必效

腎腫

發腫狀如大梨則當發腫上分三傍相去各一二寸許針之鋒則
皆向入腫頭深刺後傳丹知或針當腫頭一處深刺至骨取出惡
汁傳土印膏或益湯浸漬○若已成膿則深刺傳丹知取出膿汁
後紙摵棉之移時還拔益湯浸洗又隨所發量處針之或絕骨三
里或風市或委中或陰陵泉或足跗上大絡或崑崙等穴觀病勢
刺洩毒氣必效

附骨疽

初發痛時當處刺以割取盡去碎骨自針破後碎骨或出三箇或四箇或二三箇更以針頻頻施治鹽湯浸洗若臨差皮肉軟則易治堅則難治若成腫久瘡則瘡口四畔針深取出惡血不傳丹知只以鹽湯浸洗徐徐治之若初發者則腫邊四圍刺深傳丹知雖無碎骨頻頻針刺拔出惡毒漸消若毒氣加發漸漸他處起向則亦針其所發斷去毒氣又當毒氣壅蓄處亦刺破若腫色或青或赤或自然如常忽成腫痛則針刺後傳丹知浸鹽湯○大抵此病之毒氣惡血壅蓄成膿所致頻頻針刺不過二三處鹽湯浸漬若手臂及脚足中發此疽腫痛或膿破而毒氣益發注走成腫則以黑狗皮生者乘熱覆裏當處黃水流出是驗也或梧桐枝煎濃煎和鹽小許浸漬頻頻針之漸消得差

丹毒

在上則刺尺澤在下則刺委中又刺當處傳丹知若頭面發痛則百會上星風池頭維額角耳前髮際等穴審其輕重或一二穴或諸穴針之鹽湯浸漬若委中難尋則足跗上大絡針之亦佳又服

加藍葉連翹羌活倍大黃千金漏蘆湯甚佳若發于臂腕刺掌後大絡若發于脚腕則足跗上大絡或絕骨中觀病勢針之當處亦針傳丹知鹽湯浸漬若熱盛則只針之泄毒不宜傳丹知若偏身走注或毒氣入內煩悶或毒發痛甚則漏蘆湯煎水蟾灰末調服之又月經水藍葉取汁相和為服亦佳○九治丹毒或走注向路處或毒氣壅蓄處針之尤妙

乳腫

初發痛時先以伏龍肝細末和無灰酒如泥作餅傳腫上若其藥爛熱則易傳針尺澤脈千金漏蘆湯甚佳又雞卵白汁膏亦傳若成膿則針破後鹽湯頻頻浸漬不已○下針時切不可近乳桶若犯則乳中必成蝕瘡難治先以中指按桶推裏當皮間膿處橫直而淺刺鹽湯浸洗并針尺澤若膿後不針自潰則瘡邊四圍針刺二三處鹽湯浸洗若膿後不針則變成漏瘡難治○九乳瘡用針後即以紙捻搽之鹽湯浸洗時則按之又發暈處亦塗伏龍肝和酒間日針出膿汁必消

瘰癧

初作塊累一二箇其中挺出者根本也即以左手捻塊從傍納針橫入塊根撓針斷根經二三日又針前針孔轉回針鋒盡取瘡汁如豆汜滓狀傳煮竹筒三度以吸出毒氣如是三四度乃差若膿者則針鋒初刺亦轉回甚佳若病人元氣盛者間一日如前法更針氣弱者間四五日更針○九刺癰瘰先斷其毒氣發走處後刺當處重者徐徐施針○癰瘰之疾或痛或不痛項腋之間多發若緩治必殺人須逐日當從毒氣發處先刺治之若深在不得以手執者則先傳金絲萬疑膏或土卵膏則或消或淺出皮膚即針如前法若不針自潰則瘡處四畔淺刺拔出毒氣不須回針鹽湯浸洗又塗生真油最佳○若瘡雖自潰膿汁常出而瘡中又有結癭則針破其根取出如脂之狀者若無結癭則瘡四畔淺刺出毒鹽湯浸洗後馬斃零燒末和真油貼傳立差若當發處如有經脈及項筋交結則慎不犯針若出血多則即令防止○若以針毒發腫項項不得回顧則刺通百會耳前髮際其偏尺澤紉亦傳土卵膏已消然後當處針之如前法鹽湯浸洗經三日更針若腫處因成濃爛變成漏瘡則隨變證勢施針亦佳

癭

當處針刺傳竹筒針破則或出虛氣或出血或如汜滓狀亦無所出若不毒者則不須侵動或蔓起則只傳土卵膏不須下針亦不用手捫摸而或自消者有之此病雖在平生而若項中不痛無害則慎勿用針若針而發毒大傷則必殺人不須強治甚佳

瘤癧

瘰癧之類也
瘰癧之類也
瘰癧之類也

六種中脂瘤血瘤膿瘤等針之則先出濁水次出汜滓之類更以針轉回盡取穢物則立消不須速治觀其病勢經二三日後以針取穢物盡出則必効若骨瘤肉瘤石瘤等亦難治須其病候施針若血瘤則雖針破出血而久則還成丘如前頻頻針刺立消若大瘤則當發立頭中先針後傳竹筒或丹知三四度用紙擦挿其孔經二三日後成膿亦須更針徐徐治之若肉瘤誤針必殺人須慎之○大抵瘤類硬如金石者難治軟柔者可治腫癭亦若頸項發瘤而不痛漸大或頭痛或頭面熾熱則百會耳前髮際耳後髮際針之若甚者尺澤亦針隨病勢當處針之必効

痰核

當處刺出黃水鹽湯浸漬經五六日後更針則或出泥滓之類或出黃水或出血水傳丹知或竹筒按取毒氣使之漸消不須速治必有妨害○或有一針輒効者有之或有累針不効而復發成核者有之頻頻針刺盡取核根則未消若痰核小聚者用細針刺出痰水即消若眼胞有核者當處以手執舉胞皮使凸即針之則或出血水或黃水或如脂之狀者是其驗也當核上傳土卵膏立消不須更針○若痰氣走注一身酸痛或四肢一處結聚成丘或關節膝肘間成腫酸疼或臂胸中結聚成丘堅硬如石者以針刺之或傳丹知或竹筒按出其根鹽湯浸洗必效

頭瘡

先針百會鹽湯浸洗瘡頭日三或連日不過二三度立差或腦腫亦針百會鹽湯洗頭亦佳若腦皮為物撲打成丘如腫而不痛則當處橫刺或出血水則累次針之鹽湯浸洗立效若腦腫或如凸立或如癭或如瘤狀不痒不痛當處成丘處針之或出血水或出痰血二三度刺之鹽湯浸洗必效

偷針

两眼皆頭忽結成胞四五日間便成濃汁此熱搏於津液所致刺破即差故名偷針是解大陽之結熱也每試針輒有驗若已成膿則亦刺取汁鹽湯浸洗立消九始發當處推而執之針刺出血或刺其偏大陽或刺百會睛明並出血皆鹽湯浸洗又鼠婦虫擣汁點腫上即消

漏瘡

瘡邊四圍毒氣惡血壅蓄處先以針破去惡血鹽湯浸漬累次盡取惡汁豆腐作片傳于瘡上又馬莖銜燒存性為末生麻油調傳又黃狂肉細末填滿瘡凹中則生肌最妙

肉毒

若不辨肉毒則先以馬蜘蛛傳之當處若咬則肉毒不咬則否是其驗也若明知肉毒則以馬蜘蛛使之長吮腹飽即走更以他者傳之盡吮其毒立消○若以肉毒胸膈壅滯不利則雞卵汁生飲還吐肉塊並出若發挺丘痛先以針破真火及鹽少許雞卵黃白汁作餅傳之則毒肉盡腐而出鹽湯浸洗又雞卵全用和醋生飲多服最佳若大發極痛以針割陰毒肉若發痛已久則其毒初作

外丘反為低陷皮色亦黑如漆上乾紙皴歛之狀者以曲針掛引
割取毒肉後雞卵膏傅之鹽湯浸洗尤良若發立腫痛時真末和
水作餅當腫四面周圍如築城雞卵取汁多盛其中則肉毒或消
或聚針割其根最效

濕腫

髀脛及臑肘足浮腫者先刺兩膝眼四穴及絕骨又刺膝下內側
陰陵泉風市下三里等穴後傳丹知甚佳○若不腫只痛肌骨刺
痛上項等穴蛇莓湯沐浴若膝下腫痛則三里絕骨崑崙三陰交
等穴針後鹽湯浸漬亦佳若濕在上則風市亦針若濕痰則針當
處傳丹知若寒濕無氣經絡及筋節曲急處並刺或傳丹知或竹
筒蛇莓湯沐浴最佳若兩脚浮澁不腫不能行步則兩膝
眼針後傳竹筒蛇莓湯沐浴先刺百會肩髃曲池陽池應眼環跳
風市下三里絕骨及當處後乃浴若冬月則不用鹽湯只用針刺
必效

膿腫

當處以手執之使凸內有癭核者針破傳丹知出血則再次針之
鹽湯浸洗若已膿則針破後挿絲襪移時還拔盡出膿汁立消若
其偏臂肘快不能舉則即針連經尺澤絡通氣洩毒甚佳

鼠瘻

或頭腦成立熱痛成膿或發頸項及耳下亦熱成膿則當其所發
刺破取出膿汁鹽湯浸洗若初發未膿時先針破後鹽湯浸洗若
已發成丘不即針破則還成腫堅硬如石必須初發刺出毒氣甚
妙若不毒者只傅土卵膏必自消○大抵此病喜發於頭腦而若
瘡自破已久變成漏瘡須速待膿刺破甚佳

縷疔

其色不赤不白毒氣煽發漸作其縷穿迨于骨肉之間成塊于皮
膚之隙以先塊為基而散縷四方如縷之結于經絡也按之則所
至處皆拘攣日久月深至於潰破則死矣雖針其四方締縷暫歇
而還痛終難效矣必決破其塊削去其根則永得差矣古無縷疔
之說者不能形容其妙故也余自辛亥年以後治療之人多至累
萬而一年之內縷疔之人或一二見之診審其所患之腫則正如
縷之穿物而拘攣故余必得其所以然而指其名曰縷疔若甚至

刺痛則先針當塊割除其毒更針四畔斷其縷根後傳丹知或毒發有熱處亦經刺鹽湯浸洗間日更針盡取其根必効若初發傳土卵膏自消者或有之

便毒

若初結發丘當內有癭核中以針割之傳丹知後蓋多水小逐時長洗經二三日更針永消或不傳丹知只針再次出血亦消若發甚不能行步則其連經絡未去處膝下陰陵泉或三陰交或崑崙或足附上大穴中觀勢針之以洩毒氣甚佳○用針之法鋒必向下若毒腫惡針則其癭核即發上走入腹必矣鋒項向下者無入腹之患故也或先傳土卵膏待消而不消發毒痛起則針破後傳丹知又土卵膏傳腫邊斂毒亦佳

眈目

多發於手足指間先以豆腐火候溫浸洗潤肌後即以針斜刺割破鹽湯頻頻浸漬自然立消

痔疾

肛尻近處有孔出汁其處一寸內發丘皆為此疾未膿前鹽湯浸

一日毒散後針之甘草剉濃煎水浸洗後馬薹銚燒末和飯粒作丁子插其瘡孔又白芨膠和作丁亦佳若無甘草則蛇莓湯亦用若瘡四畔周針出惡血後用湯淋洗亦佳若久痔膿汁長出不差當其四畔周圍橫針之取出惡血蛇莓草湯淋洗○鼠孀痔以綿裹孀先以手按其頭用針割刺甚佳

面瘡

先針耳前髮際上星或百會後鹽湯浸洗甚則尺澤及當處中毒氣壅結處更淺刺取出惡血必効○若唇瘡先針百會口內亦有瘡處淺刺盡取惡血後鹽湯漱口又當處或傳土卵膏亦佳○若舌瘡先針百會鹽湯漱口良久還吐若甚至爛瘡形似稍腫則耳前髮際及尺澤針之又當處淺刺去毒血然甚者則刺牙甚則慎之○若牙齦爛瘡則當處刺去惡血齒間亦刺鹽湯漱口良久還吐又針百會或尺澤耳前髮際亦佳○若喉間痒瘡即針百會又當處淺刺去惡血鹽湯漱口必効

偏身瘡

當瘡四畔有毒瘀血處淺刺出血鹽湯浸洗或傳豆腐片間二三

或搔痒侵痛或成瘡作痂或兩手掌及偏身痒痛發生斑點當處以榆木皮雞糞和水濃煎候溫浸洗累次立効此乃經冬凍傷皮膚搔而成瘡也若瘡形大而有毒氣則瘡邊淺刺去惡血後上項藥湯浸洗最効或鹽湯亦佳若不成瘡而痒似癬非癬狀如麻木亦鹽湯佳

舌緩涎出

或舌根兩傍或舌下絛中兩傍針之再立愈若舌忽腫口外脹出則以手執舌當舌中兩傍各一二處針之或舌端亦針即令冷水浸漬良久舌熱漸歇則令放其手舌還口中鹽湯浸洗必効

轉筋

肘筋內轉上拘攣而發即不可忍當筋轉端針之鹽湯浸洗若四反轉則隨所發處針之傳丹知或竹筒浸鹽湯甚者一身狀如角弓反張不能轉側從脰當處針佳

臂痛

先針當處或傳丹知若丹知難傳處則竹筒亦佳若毒甚成膿則觀勢用針若不膿而發毒則隨其發向斷刺二三處經數日更針

徐徐盡取惡毒瘀血則愈若肩臑腫痛則不針當處只尺澤刺出通氣當腫上傳土卵膏間鹽湯浸洗亦消若臂肘發腫則深刺當腫二三處或尺澤中渚或內外小海中量刺毒血盡出後鹽湯浸洗若腕腫酸痛則先針當處及毒發二三處後刺尺澤若肘內外貫腫不得外伸則即刺當腫中尺澤出血必伸如舊針後皆用鹽湯或傳土卵膏甚佳

手腫

若不膿成腫則即針腕上橫文宛宛中及掌後指間二三處刺出毒血或針當處傳丹知或竹筒亦佳若膿則即針當處取出膿汁鹽湯浸漬經數日不消則更針又毒氣發向處亦斷刺必効若指中節間腫堅不痛不痒累月不消其色如常此非疔腫類也即針當腫節下兩傍二三處鋒則向下夜傳土卵膏晝浸鹽湯經數日不消則更針出惡血必愈又毒氣起向處亦斷刺鹽湯浸漬良効

膝脛腫

先針當處傳丹知浸鹽湯若髀肘腫痛則針深刺傳丹知浸鹽湯或土卵膏或伏龍肝和醇酒相間貼傳尤佳若毒甚煩悶則千金

漏蘆湯調蟾灰末服之亦針百會通氣甚佳若髀樞及髀內腫氣下走足腕毒氣壅滯則當其所發針之二三處傳丹知又傳土卵膏斂若膝腫則亦針當處傳丹知或竹筒又其偏膝眼兩穴鹽湯浸洗若足腫則當腫上針二三處鹽湯浸洗又足跗上大穴點刺亦佳若膝下赤暈或純或斑或痛或不痛或腫而不痛者皆是毒甚所致當審其重者針二三處亦針大穴暫出毒血後鹽湯浸洗易消若毒甚不消更針浸洗必効

中暑

若發熱頭目眩痛心煩或脇下胸腹脹痛結蓄則先針百會上星觀病候更刺風池上及耳前髮際亦佳或胸腹痛則當痛處針之傳丹知魚服治暑之藥必効

腹中冷塊

若冷氣成塊或走注或凝結刺痛先以手執定腹皮當塊上直刺決破鋒則向上可入五分若起自脇肋發走背脊則從背結聚冷毒處針六傳丹知又發起處亦針二三處又黃在肉細末溫酒調服三四劑則冷塊自消或當針孔灸亦佳

走注風

假令臂臑一處狀如虫行走注疼痛則當痛處方欲下針即回走他處周流一身痛無定處而有常名先以手輕按痛處用繩縛定以斷回走之路然後乃刺當處傳丹知或竹筒亦佳若未及按之致使回走則更診走痛之處刺如上法○凡徧身風熱走注處處成腫作痛先從經絡當腫處刺破以通經絡立消又偃僕及筋急處亦刺必効

落傷

當腫痛即針一二處傳土卵膏或伏龍肝末和醋調傳其藥熱則易傳又服傷尤活血湯不須熨之熨則瘀血成膿作痛若頭部打撲傷瘡則先削髮浸鹽湯後周針四面出毒血又馬薨零燒末調真油塗之若虛者落時中風四支不仁口眼喎斜則診其惡血凝結作痛處削去惡血後鹽湯或蛇莓草湯沐浴立効若肢節折傷不得通脈則擇其瘀血刺痛處針之去毒血頻頻間刺去惡血通經脈亦佳不須鹽湯浸漬丸水亦不犯洗禁不食滑物若折傷及脫臼所傷之處雖平復已久而尚有惡血成腫作痛則針後鹽湯

浸洗以消毒血甚佳○九為堅物所撲或腫痛或成丘酸疼則針當處傳丹知或竹筒亦佳當腫上傳土卵膏或伏龍肝亦佳若瘡破則鹽湯浸洗馬薤末和生真油塗之或瘡邊及毒氣成腫處亦刺去惡血鹽湯浸洗○凡人一身及頭腦墜傷瘀血挺立不痛不潰漸大如癭則刺去惡血鹽湯浸洗或傳土卵膏洎四五日後頻頻間刺良

四肢不仁

若腫膝曲急不得伸張則當膝傍內外筋急結絡處割貫刺之又按上下連筋二三處當筋中亦割刺傳竹筒蛇莓草湯或鹽湯盈槽令病者曲膝強作張伸浸漬累日必效若不效則更針更漬乃效若脚膝曲急酸疼不能行立則先針委中後刺當處若臂肘掣急不得屈伸則先針尺澤亦刺當處若委中誤針深刺亦致曲急不伸則更針委中後詳診連經上下曲急結壅處刺之若尺澤誤針深刺亦致曲急不伸則更針尺澤後亦診臂上下曲急結壅處刺之九針尺澤委中等穴則頂淺刺宜通經絡不宜深刺若臂酸不能向頭或不能伸引則肩髃兩穴針之若有重不可舉臂肘則

亦針肩髃兩穴及肘內外小海刺深當處亦割刺傳丹知甚效指節掣曲不伸則當指節內筋橫文以手執舉割刺橫針傳小竹筒或外節曲急處觀勢亦割刺傳竹筒若指節外伸不得內屈則當指節外筋橫文以手執舉割刺傳小竹筒鹽湯浸漬或內節筋急處亦觀勢割刺鋒則皆斜傳竹筒腕亦曲急不得伸則治如上法若手指痿弱不能捉物則血脉通絡連經處針之甚佳○若足伸張不得屈曲則足掌二三處觀勢刺之傳丹知若足跗屈曲不得伸張則當足掌曲急處及指間筋急結核二三處針之傳丹知或竹筒鹽湯浸洗必愈

中風治熱法

中風後若氣煩則先針百會上星風池額角耳前髮際肩井有髃曲池陽池環跳風市絕骨下三里尺澤委中崑崙等穴觀變施針或傳丹知及竹筒又風痺濕痺手足不仁年久不差治亦同法針後連經脉筋節曲急處按之有壅結則施針蛇莓湯或鹽湯沐浴最佳○若半身不遂證治同上○若沐浴時欲發熱即針百會上星耳前髮際風池上等穴甚佳

角弓反張

先針拘攣筋縮處傳丹知又筋肉曲急處隨變施針亦針通經絕
脉處浸鹽湯○或風壅或痰結或濕滯轉喎筋急拘攣處皆針後
傳丹知浸蛇莓湯或鹽湯亦佳

半身不遂

手足拘攣則當筋急結壅處剌刺傳竹筒先以手執病人手足強
作引伸或手足雖用而秘澁不快口喎行步難轉則百會上星風
池聽會頰車地倉肩井肩髃曲池陽池風市環跳下三里絕骨崑
崙等穴針之蛇莓湯或鹽湯沐浴累次若無濕則灸亦佳灸後不
須沐浴○若眼喎斜語澁則舌本筋急處及舌下絲中兩傍與耳
尖上針後鹽湯漱口亦佳又風池翳風其偏腫子膠皆針後灸之
或睛明貫刺大陽亦刺又口中左右內頰中及風市皆針即効又
灸神庭百會地倉頰車翳風承漿等穴甚佳

牙關緊急

牙關不開者初得頰車項中發腫已差後其根因發牙關緊急不
得開口則其偏尺澤風池上耳前髮際頰車等穴或大迎承漿合

谷等穴皆針後灸之甚佳

啞不能言

當舌下絲中兩傍及舌下中凸肉有青絡脉兩傍與舌本近喉兩
傍並六處針後鹽湯含漱良久乃語

吐血

若吐血過多則尿盆底溺白塗即人括取成末以井花水調服一
鍾子二三度甚則一甬見立止

瘟疫

方痛極熱不省人事先針百會上星額角風池耳前髮際亦針舌
下絲中兩傍或頭維觀病勢針之又脈月經水和永及服清心丸
一丸甚佳又針神聰四穴若頭痛及上熱極悶不省人事即針百
會上星耳前髮際或尺澤重者風池上及神聰四穴觀勢施針甚
佳

白癩

初發時淺刺二三處後艾炷灸使之爛膏立効若大發後難治

諸疔

若白痢裏急後重不快則豆腐多塗又法油熱之乘熱多服立差
又多食生牛膿外黑皮則與白痢相雜引出立効

癩疾

癩疾方作發熱頭痛則百會上星耳前髮際額角兩穴風池上二
穴及大椎等穴隨病輕重針之立効又常山根淨洗細到末四錢
清酒一甬見調以酒醉為限還即吐出神効或燒酒亦佳若氣
困者常山細到煎服一碗使下注不吐以注黑物為期速効

癩癩

先針百會上星次針背脊二十一顛下間穴各針入三分後亦
各灸五七壯又刺當孔又神庭上星百會目窓地倉風池聽會及
神聰四穴各灸十五壯肩井肩髃曲池間使陽谿環跳風市足三
里絕骨各灸二七壯手足指端各灸十五壯經三七日調理得効
若重者一年內再灸永差手足指端皆氣端穴也

癩狂

若發狂欲走鬼言者陽頭正中可灸五七壯至七七壯止慎不犯
陽孔○女則灸陰挺孔端如上法復發則更灸亦佳灸時令病者

仰卧床上四支縛定使不搖動亦佳

邪熱

若煩熱氣困或頭痛眩暈見鬼則即針百會上星風池耳前髮際
間使等穴最佳

臍瘡

若臍成瘡浸淫膿出毒氣壅滯久未合差則孔邊瘡處以針回刺
取出毒血後鹽湯淡用洗又豆腐切片傳瘡中經三四日瘡處乾
燥膿汁不出而或瘡孔未差馬燒末生真油調傳或瘡孔未
合和飯作丁插之亦効

燥證

手足掌肌膚漸蔓甲錯或如癩風之狀則當處淺刺後蛇毒湯或
鹽湯浸漬或間日頻刺必消

傷寒發熱附諸

方痛極熱時即針百會上星風池上及耳前髮際等穴後鹽湯洗
頭熱退立差若熱上衝腦後強間挺立痛破亦須針之若犯色
熱取不省人事脈絕則百會上星風池耳前髮際及舌下兩傍針

之即醒又服月經水調清心之亦佳若諸熱熾盛上衝頭面氣絕則先針百會上星風池上及耳前髮際後刺當處或頭項神聰穴及額角等穴觀病候針亦佳或鹽湯浸洗○若時令及諸積發熱不過已上等穴治之但要絡處通熱毒亦佳

杖瘡

若毒氣壅蓄起腫或破肉則先以其腫連經處徑刺後亦刺當處去毒氣取瘀血浸鹽湯又服傷元活血湯毒血盡去則馬薤零燒末生麻油調傳必效

火瘡

瘡處圍針四畔取出惡血後松麈皮作末生麻油調傳若心煩熱渴則又服月經水和冰甚良又土卵葉搗傳瘡處以黃汁流出為期必愈

竹木刺傷

若竹刺腫則針深當處之傍傳丹知或竹筒以吸其氣竹荆亦出鹽湯浸漬間日亦針其傍鹽湯浸漬不針當處自然立出若荊端纏出皮膚間則以鑷子取引出甚妙

治癰痕

瘡腫差後外有凸痕內有結核則先刺去核後灸三壯待其腐出若合差時唐粉逐日塗之若無凸痕而有結核則不須針刺只灸三壯待其腐出平復如舊合差時亦塗唐粉甚妙灸炷大如小麥亦佳

背寒

若肩背間寒冷則四五椎下脊骨兩傍相去各二寸或三寸許膏肓之間肩甲骨下各一處或二處針之傳丹知二三度後不差更針如前法立效或背寒喘嗽亦治若背腰寒冷筋急拘攣則當筋急二三處直刺鋒則斜而向上入三四分傳丹知若脚掌寒冷則針涌泉傳丹知若脚酸疼不能行步則針當痛一二處傳丹知若不愈更浸鹽湯或灸涌泉亦佳

治法綱要

一經絡針刺出血過多則以瓦礫磨大石成粉付針孔血出處塞一之乃止若咽喉間以冷水含口還吐亦止或出血過多不省人事使人含冷水嚥其面上漸甦後冷水亦飲

一瘡腫處不過針刺三四處若過多則反為致傷只刺二三處亦佳不須烙針亦不浸桑灰水烙針則變成漏瘡浸桑灰水則瘡邊堅硬瘡口疼痛故不用也

一孕婦胎月六朔已上雖針刺不動傷胎三四朔則不須周針損胎方欲下針先告孕婦悉知然後針之勿令驚心亦佳若頭面頸項等處發腫尺澤針出血不須過多又經絡處通氣血亦不過多不得已飲食後針之最佳

一凡腫大膿處針破後即不壓出膿汁插紙捻二三次速効若大膿刺之一時盡出膿汁令人必死或針破後膿汁凝滯則附丹知乃按惡汁又膿汁滑流則丹知否鹽湯浸漬或腫形大膿不須針破十字只刺破一二處亦不付丹知只插紙捻針孔亦佳

一凡腫痛針後晝則用鹽湯夜則附土卵膏亦佳刺絡不宜出血多也亦不空腹也伏龍肝為末和酒付之亦良

一凡諸處經絡穴脉刺針之時出血太多不即斷塞血道壅溢肉色變青復刺其處以通其血乃佳

一瘡腫之病不近麻布犯則反為傷害若喪人患腫所著麻衣已

脫後針破亦佳○腫根深發針亦深腫勢淺發針亦淺若不適病腫之候則頓無効驗○凡諸腫病人自他方來比以定氣息安靜後針之亦佳

一凡瘡腫惡肉或贅肉發凸垂出以針割除斷破或蜘蛛絲纏繞自斷零白痣及肉傷肉破凸出類皆可用蜘蛛絲纏自落最妙纏後日久不落新絲更加纏繞易落

一凡病蛇蠁湯沐浴時宜早朝與日西若當及日午則陽氣既旺不勝熱勢或發頭眩再浴則不眩或發熱煩百會上星耳前髮際風池神聰等穴通氣先須齋戒飲食補養氣實是佳○沐浴時宜數進粥飲果物不致困倦頭面汗出以湯洗面用軟帕拭乾不洗則汗入眼中發眼疾少時又前洗拭以沐浴後初着單衣次着甲衣次着綿衣以防汗孔氣不發泄○有瘡每浴之後身必瘙痒慎勿爪破慎避風寒勿使飢飽夜勿勞動隨宜沐浴之勿令恣意若經三四日又洗溫湯亦可若婦人月經方行不可沐浴須經止然後沐浴可也

用藥法

助了

土卵膏法

一卵採根去鬚淨洗礮石面磨細以厚紙作貼內土卵末塗之附腫上或腫毒向頭發注處貼紙中置孔以通毒氣又以貼紙上鹽湯水頻塗勿令乾燥貼膏舊着腫處乾燥他紙貼膏易附腫毒不發斂聚易潰立差夏節亦不得土卵根則埋地白莖搗爛如泥付紙貼用之而只用白莖不用青莖最可

黃獮肉法

黃獮去皮腸懸于陰乾或急用則曝乾腫毒內鬱細末每服一匙和粟豆粥調下或溫水調服亦可右末和飯或白芨膠適其大小納挿干瘡孔黃水滲出痛止乃差瘡口未合不生肌肉處搽末填塞生肌瘡口乃合右乾肉如削作丁納挿針孔消化而出凡蝕瘡亦搽為可○燒存性細末溫酒調下治婦人帶下崩漏陰乾細末亦佳○九瘡口欲合時右肉為末真油調塗即生肌肉以赤土之代亦可

豆腐附法

豆腐作片熟以鹽湯附于諸瘡蝕瘡漏瘡等處一日三四度易什瘡肌易生毒氣消散瘡口漸合又泡水洗後附片尤佳

馬燒鈴用法

馬燒鈴燒存性為末和白芨膠作丁諸漏瘡穴納挿于瘡孔中殺虫生肌若諸漏瘡蔓延皮膚真油調附尤佳

山梅子根用法

山梅子根取皮細剉濃煎水溫為適中噉口最治齒痛

榆白皮用法

榆白皮取皮搗之不拘多少雞屎等分和水濃煎溫為適中九疔蝕瘡與癩癬疥瘡或成虫浸淫等處浸洗立愈燥證亦佳

雉內金用法

雉內金燒存性細末每用二三分和鹽少許管子端盛吹于喉間最治懸癭及喉腫

伏龍肝用法

伏龍肝細末和醋付于腫熱外立處毒氣消散或照陽處壁上上亦佳

雞卵膏用法

雞卵一箇開殼取白汁醃醋半匙真末倍加和合或如泥作餅中

有孔付貼腫上毒氣易散若風腫毒發先針後置則鹽湯浸洗夜
則右膏附之亦佳黃汁入劑附之成膿合汁入劑未成膿而消散
若肉毒外立針破後雞卵黃白汁鹽少許真末倍加和合作如餅
付肉腫上盡腐出之卵汁和醋飲之亦治肉毒內煩真末剉末也
用梧桐枝法

梧桐枝細剉不拘多少水濃煎諸瘡洗之主効又飲煎水瘀血消
散

白木灸法

白木以中通一竅削其本使尖挿于耳中以真末和水作餅圍遮
耳孔四邊灸木竅上多灸燒黃則更新易之

用蟾灰法

去其內腸兩夫无相合而以索結之置于其中又以泥塞耳頭孔
及階處安于火爐中灸之出之研作細末一服一錢或一匙分三
服調井花水或桑葉煎或酒煎湯或溫水任意隨病調服以逐毒
氣

鹽湯沉引法

水一鉢鹽一合至於一盆則二升二盆則四升同湯二三沸候水
平臂則用小槽脚則用長缸手足則各適其器而沉引矣但

頭則用大榼蓋盛湯水廣一尺深一寸頭前用大所羅置枕于其
中而仰卧則傍人以小器盛水長注于腫處若面上則以油紙作
揮項而垂遮其胸腹之衣以器盛湯水置于油紙下又用小器汲
器中之水注之則水下于紙上而還盛于器中良久乃止若鹽湯
消毒則鹹瘡破則淡鹹亦佳

鹽湯沐浴法

蛇莓草根葉並採淨洗一斗水一盆半同煎至一盆去滓待冷過
冷不可蛇莓草一升蒼茸一斗麩到桑炭盛燂一斗許水九盆同
煎六七沸去滓鹽三斗入袋沉之盡消後去袋候水氣溫熱適中
入湯子坐傍人以器盛湯水注頭及肩上良久發汗後出外平生
傍人以前煮蛇莓冷水先注頭面及四體無不至處又以手摩擦
之防汗孔一日二浴氣弱則一日一浴為限必四五浴而得驗驗
則止每浴皆用蛇莓冷水若得効而後不須強過度

竹筒附法

丹知附法
暫沉及拂洒即附之瘡口乃引毒氣甚捷若丹知難附處尤佳

新強綿花先納置丹知內底塗糊後次納置綿花片堅附掃火
于腫上則毒氣拔出陰腫酸疼處亦附丹知並治勿令火傷

用黑狗皮法

無狗生者脫皮乘熱即畏毒畜處若腐破則旋旋易之使毒氣
斂而不散久乃消散此法只宜四肢不宣他處若毒氣內入臟腑
則用其肝生者乘熱和酒調下若婦人帶下過多則用肉或炒
食之甚佳

變蔽骨最關性命庸醫不可輕易用針



